



KOMORA MEDICINSKIH SESTARA – TEHNIČARA KANTONA SARAJEVO



Na osnovu člana 46. Zakona o sestrinstvu i primaljstvu (Sl.novine FBiH br. 43/13), člana 19. stav 1, alineja 10, člana 39. stav 1, alineja 14, te članova 49, 69, 70 i 71. Statuta Komore medicinskih sestara - tehničara Kantona Sarajevo, Skupština Komore, na prijedlog Upravnog odbora Komore, na svojoj sjednici održanoj dana 28.09.2018. . god. donosi

PRAVILNIK O DODJELI NAGRADA I PRIZNANJA KOMORE MEDICINSKIH SESTARA- TEHNIČARA KANTONA SARAJEVO

I OPŠTE ODREDBE

Član 1.

Odredbama Pravilnika o dodjeli nagrada i priznanja Komore medicinskih sestara - tehničara Kantona Sarajevo (u daljem tekstu Pravilnik), utvrđuje se postupak i način dodjeljivanja nagrada -priznanja Komore medicinskih sestara - tehničara Kantona Sarajevo(u daljem tekstu: Komore).

Član 2.

Za postignute uspjehe u radu i savjesno izvršavanje zadataka, u znak priznanja, Komora može pohvaliti i nagraditi članove Komore.
Komora može pohvaliti i nagraditi i udruženja, ustanove, organizacije i druga pravna i fizička lica, za ostvarenu saradnju i pomoć Komori.

Član 3.

Nagrade i priznanja se dodjeljuju- povodom 12.maja, Međunarodnog dana sestrinstva.

II NAGRADE I PRIZNANJA KOMORE

Član 4.

Oblici priznanja i nagrada su:

1. Priznanje za životno djelo
2. Zlatna plaketa
3. Srebrna plaketa
4. Priznanje za poseban doprinos
5. Zahvalnica

Član 5.

PRIZNANJE ZA ŽIVOTNO DJELO

Priznanje za životno djelo kao najviše priznanje Komore, dodjeljuje KMSTKS na prijedlog zdravstvenih ustanova i Zaključka Komisije, a Upravni odbor Komore medicinskih sestara - tehničara, donosi Odluku o dodjeli nagrade članu Komore za lične zasluge na unapređenju sestrinske struke kroz rad u Komori i zdravstvenim ustanovama, a koji je svojim radom doprinio rješavanju zdravstvenih problema stanovništva, posebno ugroženih grupacija, harmonizacije i odnosa među zdravstvenim radnicima, unapređenju zdravstvene njege; efikasnosti zdravstvene njege; postignutim uspješnim rezultatima na stručnom usavršavanju medicinskih sestara – tehničara u zemlji i inostranstvu putem uspostavljene saradnje sa Komoroma. Godišnje se može dodjeliti jedno priznanje za životno djelo.

Član 6.

ZLATNA PLAKETA

Priznanje **Zlatna plaketa** dodjeljuje KMSTKS članovima KMSTKS na prijedlog zdravstvenih ustanova, zaključka Komisije i odluke Upravnog odbora, koji su svoj rad posvetili unapređenju zdravstvene njege i edukacije medicinskih sestara - tehničara, dali nemjerljiv doprinos u izradi i objavi radova na domaćem i međunarodnom planu.

Za lične zasluge na unapređenju sestrinske struke kroz rad u KMSTKS I zdravstvenim ustanovama, koji je svojim radom doprinio rješavanju zdravstvenih problema stanovništva, a posebno ugroženih grupacija;

Harmonizacije I odnosa među zdravstvenim radnicima (sestrama – tehničarima), unapređenju zdravstvene njege, efikasnosti zdravstvene njege, postignutim uspješnim rezultatima na stručnom usavršavanju medicinskih sestara – tehničara. Veliki doprinos unutar zemlje I inostranstvu putem uspostavljanja saradnje sa KMSTKS. Objavljeni radovi na domaćoj I međunarodnoj sceni.

Godišnje se mogu dodjeliti dvije Zlatne plakete.

Član 7.

SREBRNA PLAKETA

Priznanje **Srebrna plaketa** dodjeljuje KMSTKS članovima KMSTKS na prijedlog zdravstvenih ustanova, zaključka Komisije i odluke Upravnog odbora.

Priznanje se dodjeljuje članu KMSTKS koji je zaslužan za rad Komore i unapređenje struke kroz svoj rad i doprinos .

Kandidat koji je radio na afirmaciji Komore, zdravstva, sestrinstva i dao doprinos povezivanju i saradnji sa Komorama i Udruženjima u zemlji i inostranstvu , a sve u interesu sestrinstva i struke.

Članu Komore koji je dao ogroman doprinos u predstavljanju sestara na domaćoj i međunarodnoj sceni .

Godišnje se mogu dodjeliti tri Srebrne plakete.

Član 8.

PRIZNANJE

Priznanje dodjeljuje KMSTKS članovima KMSTKS na prijedlog: predsjednika KMSTKS, zdravstvenih ustanova, zaključka Komisije. Upravni odbor donosi odluku o dodjeli Priznanja Komore članovima Komore koji su više od 15 godina u random odnosu i drugim pojedincima u zemlji i inostranstvu, koji su dali značajan doprinos u promociji vrijednosti Komore, za pomoć koju su pružili u ostvarivanju njenih temeljnih zadataka, promociji stručnih, naučnih i etičkih načela.

Godišnje se može dodjeliti deset priznanja u povodu Dana sestrinstva.

Član 9.

ZAHVALNICA

Zahvalnicu dodjeljuje KMSTKS članovima Komore koji odlaze u penziju. Upravni odbor KMSTKS donosi odluku na osnovu dostavljenih podataka zdravstvenih ustanova o peznionisanju medicinskih sestara-tehničara članova KMSTKS.

Broj zahvalnica nije ograničen pri dodjeli.

III PREDLAGAČI ZA PRIZNANJA I POHVALE

Član 10.

Predlagači za Priznanje za životno djelo, Zlatnu plaketu, Srebrnu plaketu, Priznanje za poseban doprinos i Zahvalnicu mogu biti:

1. Zdravstvene ustanove
2. Predsjednik Komore
3. Upravni odbor KMSTKS

IV KOMISIJA

Član 11.

Članove komisije bira i razrješava Skupština Komore na prijedlog Upravnog odbora.

Komisija se sastoji od tri člana: Predsjednika komisije i dva člana.

SAZIVANJE SJEDNICA

Član 12.

Predsjednik Komisije saziva sjednicu Komisije za dodjelu nagrada.

Sjednice se održavaju u prostorijama Komore na kojima se vodi zapisnik, redni broj sjednice, datum održavanja sjednice, početak, završetak sjednice i prisutan broj članova.

Član 13.

Sjednica Komisije za priznanja i pohvale se može održati samo ako su prisutni svi članovi komisije.

Članovi komisije moraju biti pismeno obavješteni o datumu i vremenu održavanja sjednice najkasnije 7 dana prije zakazane sjednice.

Član komisije koji nije u mogućnosti prisustvovati sjednici, obavezan je o istome obavijestiti tehničkog sekretara Komore najmanje 48 sati prije održavanja sjednice.

NAČIN RADA KOMISIJE

Član 14.

Svi prijedlozi za dodjelu priznanja i pohvala Komore, podnose se Komisiji pismeno, na propisanom obrascu upitnika za predlaganje nagrada i priznanja, najkasnije sa 1 aprilom tekuće godine.

Komisija neće uzeti u razmatranje prijedloge poslane nakon navedenog datuma.

Komisija može po potrebi od predlagača zatražiti pisane nadopune ili pojašnjenje u skladu sa kriterijima iz ovog Pravilnika. Komisija neće uzeti u razmatranje nepotpune prijedloge.

Članovi Komisije razmatraju pojedinačno sve pristigle prijedloge, u raspravi iznose svoje mišljenje i utvrđuju da li su prijedlozi u skladu s odredbama ovog Pravilnika, Statuta Komore i Zakona o sestrinstvu i primaljstvu (Sl. Novine Federacije BiH br. 43/13 član 46“).

Članovi Komisije izrađuju listu prijedloga za dodjelu priznanja i pohvala i dostavljaju Upravnom Odboru Komore na odlučivanje.

Ukoliko kandidat za dodjelu nagrade priznanja ne zadovoljava uvjetima za dodjelu predloženog priznanja, Komisija će razmotriti, u okviru mogućnosti, prijedlog za dodjelu drugog priznanja –nagrade.

Član 15.

Članovi komisije glasaju javno.

Odluka je punovažna ako su svi članovi komisije glasali.

Član 16.

Na temelju liste prijedloga za dodjelu priznanja i pohvala Komisije, Upravni odbor donosi odluku o dodjeli Priznanje za životno djelo. Zlatna plaketa, Srebrna plaketa i Priznanje za poseban doprinos

Član 17.

U komori se vodi knjiga priznanja i pohvala u koju se upisuju sva dodjeljna priznanja i pohvale.

PRELAZNE I ZAVRŠNE ODREDBE

Član 18.

U prilogu ovog Pravilnika objavljuje se obrazac(upitnik) za predlaganje priznanja. Priznanje za životno djelo, Zlatna plaketa, Srebrna plaketa, Priznanje za poseban doprinos

Član 19.

Ovaj Pravilnik stupa na snagu danom donošenja

Broj: 170/18

Sarajevo, 28.09.2018. god.

Predsjednik Skupštine

Sead Džomba